

## PRIJEDLOG

Na osnovu člana 2. i 8. Zakona o principima lokalne samouprave u Federaciji Bosne i Hercegovine ("Službene novine FBiH" broj 49/06, 51/09), člana 10. Zakona o premjeru i katastru nekretnina ("Službeni list SR BiH" broj 22/84, 12/87, 26/90 i 36/90 i "Službeni list RBiH" broj 4/93 i 13/94), člana 23., 55., 99. i 104. Statuta općine Ilijaš – prečišćeni tekst ("Službene novine Kantona Sarajevo" broj 20/09 i 46/18), člana 99. Poslovnika o radu Općinskog vijeća Ilijaš ("Službene novine Kantona Sarajevo" broj 2/10, 18/15 i 7/19) te člana 7. i 8. Ugovora o saradnji Federalne uprave za geodetske i imovinsko-pravne poslove i općine Ilijaš, Općinsko vijeće Ilijaš na svojoj 30. sjednici održanoj dana \_\_\_\_\_ donijelo je

## ODLUKU

### o naknadama za korištenje podataka Adresnog registra

I

Ovom Odlukom utvrđuje se visina naknade za korištenje podataka Adresnog registra.

II

Naknada za korištenje podataka iz tačke I ove Odluke plaća se kako slijedi:

- Granica naseljenog mjesta po jednom poligonu – 5,00 KM;
- Granica naselja/ulice/trga po jednom poligonu – 5,00 KM;
- Linija ulice po jednoj liniji – 1,00 KM;
- Kućni broj po jednom tačkastom objektu – 0,10 KM.

Ukoliko se podaci služe putem web servisa, ukupna naknada se umanjuje i to za:

- WMS – dodatnih 30%;
- WFS – dodatnih 20 %.

III

Naknada za vršenje usluga uplaćuje se na račun općine Ilijaš br. 1602000000710645 sa naznačenom vrstom prihoda 722611.

IV

Ova Odluka stupa na snagu danom objavljivanja u Službenim novinama Kantona Sarajevo.

OPĆINA ILIJAŠ  
OPĆINSKO VIJEĆE

PREDSJEDAVAJUĆA  
OPĆINSKOG VIJEĆA

Broj: \_\_\_\_\_/19  
Ilijaš, \_\_\_\_\_

Alma Omerović, BA nov.

## OBRASLOŽENJE

Zakon o principama lokalne samouprave u Federaciji Bosne i Hercegovine ("Sl. Novine FBiH" broj 49/06) članom 2. propisao je da lokalna samouprava podrazumijeva pravo i osposobljenost jedinica lokalne samouprave da, u granicama zakona, reguliraju i upravljaju određenim javnim poslovima na osnovu vlastite odgovornosti i u interesu lokalnog stanovništva. Članom 8. istog Zakona propisano je da jedinice lokalne samouprave imaju vlastite nadležnosti ustanovljene ustavom i zakonom i imaju pravo baviti se svim pitanjima od lokalnog značaja koja nisu isključena iz njene nadležnosti, niti dodijeljena u nadležnost neke druge vlasti na osnovu ustava i zakona. Među vlastitim nadležnostima jedinice lokalne samouprave navedeni su i poslovi donošenje propisa o porezima, naknadama, doprinosima i taksama iz nadležnosti jedinice lokalne samouprave. Članom 10. Zakona o premjeru i katastru nekretnina propisano je da katastar nekretnina služi za privredne, naučne, upravne i statističke potrebe, dokazivanje prava na nekretninama, prostorno i urbanističko planiranje, izradu drugih evidencija o zemljištu i objektima, utvrđivanje katastarskog prihoda kao i za druge potrebe. Uspostavljanjem Adresnog registra kompletira se elektronska baza podataka za područje općine Ilijaš, a koja baza podataka će biti korištena i uvezana sa drugim elektronskim sistemima i bazama kao što su CIPS, Pošta, Porezna uprava, Geoportal itd. gdje će na jednom mjestu biti uvezani podaci o nekretnini, vlasniku nekretnine, adresi vlasnika kao i podaci vezani za geopozicioniranje nekretnine.

Statut Općine Ilijaš – prečišćeni tekst ("Službene novine Kantona Sarajevo" broj 20/09) članom 23. propisao je da općina obavlja komunalne i druge uslužne djelatnosti te poslove lokalne infrastrukture. Članom broj 55. Statuta propisana je nadležnosti Općinskog vijeća među kojima je pobrojana i nadležnost donošenja odluka, drugih propisa i općih akata kao i njihovog autentičnog tumačenja. Članom 99. Statuta općine Ilijaš propisano je da općini pripadaju prihodi za obavljanje njenih dužnosti i ovlašćenja, dok je članom 104. propisano da Općinsko vijeće donosi, između ostalog, općinske propise – Odluke. Navedena nadležnost Općinskog vijeća propisana je i članom 99. Poslovnika o radu Općinskog vijeća Ilijaš ("Službene novine Kantona Sarajevo" broj 2/10 i 18/15).

Ugovorom o suradnji između Federalne uprave za geodetske i imovinsko-pravne poslove i općine Ilijaš regulisani su međusobni odnosi strana potpisnica Ugovora gdje je članom 7. određeno da su Federalna geodetska uprava i općina Ilijaš saglasne da će razmjenu razmjenu podataka odvijati bez finansijskih naknada, a da će općina u skladu sa vlastitim nadležnostima propisanim Zakonom o principima lokalne samouprave u Federaciji Bosne i Hercegovine i prema odlukama Općinskog vijeća, za podatke Adresnog registra naplaćivati tarifnu naknadu. Član 8. istog Ugovora obavezao je obje strane potpisnice da će po svim zahtjevima za komercijalno i drugo korištenje ili dijeljenje podataka Adresnog registra postupati u skladu sa odlukama Općinskog vijeća te u tom smislu naplaćivati tarifnu naknadu na račun općine od čega će se krajem godine iznos od 10% uplaćivati na Jedinstveni račun trezora Federacije Bosne i Hercegovine.

U toku 2018. godine Općinsko vijeće Ilijaš usvojilo je Odluku o načinu označavanja i evidentiranja naseljenih mjesta, poslovnih zona, ulica, trgova i kućnih brojeva i Odluku o nazivima poslovnih zona, ulica i trgova u okviru zakonom određenih naselja na području općin Ilijaš. Usvojene Odluke provedene su kroz softver Adresni registar i u toku 2019. godine potrebno je projekat implementirati na terenu, odnosno izvršiti fizičko obilježavanje naziva naselja, ulica, trgova, poslovnih zona kao i obilježavanje samih kućnih brojeva. Implementacija projekta na terenu biti će besplatna za sve korisnike. Međutim, dalje korištenje podataka Adresnog registra, a u skladu sa Ugovorom pomenutim u tekstu iznad, podliježe plaćanju naknade. Stoga je predloženo kao u Odluci.